

大方廣佛華嚴經疏鈔會本第十六之一 翡八

唐于闐國三藏沙門寶叉難陀 譯

唐清涼山大華嚴寺沙門澄觀撰述

爾時善財童子於明智居士所聞此解脫已

遊彼福德海治彼福德田仰彼福德山趣彼

福德津開彼福德藏觀彼福德法淨彼福德

輪味彼福德聚生彼福德力增彼福德勢漸次而行向師子城周徧推求寶髻長者

第五法寶髻寄無癡亂行六中初文可知

寄於無癡亂行者以慧資定靜  
無遺照動不離寂名無癡亂

見此長者在於市中遽即往詣頂禮其足繞無數帀合掌而立白言聖者我已先發阿耨多羅三藐三菩提心而未知菩薩云何學菩薩行云何修菩薩道善哉聖者願爲我說諸菩薩道我乘此道趣一切智

第二見此長者下見敬諮問市中見者表處閑忘懷亂中常定故

爾時長者執善財手將詣所居示其舍宅作如是言善男子且觀我家

第三爾時長者下授已法界於中四一執手將引即授法方便顯加行智歸正證故

二作如是下示其所住即正授法界三爾時善財見其下正證法界四爾時善財見

是下問答因緣即後得智初二可知

爾時善財見其舍宅清淨光明真金所成白

銀爲牆玻璃爲殿紺琉璃寶以爲樓閣碑礧妙寶而作其柱百千種寶周徧莊嚴赤珠摩尼爲師子座摩尼爲帳真珠爲網彌覆其上碼礎寶池香水盈滿無量寶樹周徧行列其宅廣博十層八門

三中二先總後善財入已下別今初十層八門者如八角塔形層門各有三義層別

中解門三義者一通約所修之道以八正爲門八正通入於諸位故二約所依之道即以八識爲門於眼根中入正定故根若

能入境則可知三約教顯理即四句入法

教理各四故有八門謂若失意有空俱泯便成四謗得意通入並稱爲門尋教得解即教四門於理得解即理四門尋教等者以爲二四亦約教爲信行約理爲法行若準新經言面各二門故有八門則亦可卽就四門存泯不同以爲八耳如一有門見妙有而入法界則是有門若取於有卽拂有相名非有門此有中二矣二空者知空寂卽是空門以空爲空門便權說非空門三若謂妄惑本空真智不空卽亦立妄無妄源真對妄宣真非真矣則雙存真非無門若滯雙非未逃戲論故復拂之

此雙非門爲但是遮爲有所表但遮同無名非非有非非無門故有八門得意爲門失意此八亦非門矣

善財入已次第觀察見最下層施諸飲食見

第二層施諸寶衣見第三層布施一切寶莊嚴具見第四層施諸采女并及一切上妙珍

寶見第五層乃至五地菩薩雲集演說諸法利益世間成就一切陀羅尼門諸三昧印諸三昧行智慧光明見第六層有諸菩薩皆已成就甚深智慧於諸法性明了通達成就廣

大總持三昧無障礙門所行無礙不住二法在不可說妙莊嚴道場中而共集會分別顯示般若波羅蜜門所謂寂靜藏般若波羅蜜門善分別諸衆生智般若波羅蜜門不可動轉般若波羅蜜門離欲光明般若波羅蜜門不可降伏藏般若波羅蜜門照衆生輪般若

波羅蜜門海藏般若波羅蜜門普眼捨得般若波羅蜜門入無盡藏般若波羅蜜門一切方便海般若波羅蜜門入一切世間海般若

波羅蜜門無礙辯才般若波羅蜜門隨順衆生般若波羅蜜門無礙光明般若波羅蜜門常觀宿緣而布法雲般若波羅蜜門說如是等百萬阿僧祇般若波羅蜜門見第七層有諸菩薩得如嚩忍以方便智分別觀察而得出離悉能聞持諸佛正法見第八層無量菩薩共集其中皆得神通無有退墮能以一音徧十方剎其身普現一切道場盡于法界靡不周徧普入佛境普見佛身普於一切佛衆會中而爲上首演說於法見第九層一生所繫諸菩薩衆於中集會見第十層一切如來充滿其中從初發心修菩薩行超出生死成

滿大願及神通力淨佛國土道場衆會轉正法輪調伏衆生如是一切悉使明見

別中十層三者一表十地一施食顯初地行檀二地持戒以慙愧爲衣服三地忍行以爲嚴具四地道品爲內眷屬精進可珍五地文顯六地般若現前故文中三初總次所謂下別顯十五門一照體即寂而無不色二即寂之照無機不鑒三外緣不轉四內照無求五惑境不摧六徧摧諸惑七包含勝德而甚深入普見法界而無礙九

一即無盡十巧化無邊十一內證世間十二外演勝辯十三曲隨物欲十四事理交羅十五觀緣授法後說如是下總結七地有殊勝行知種種教法故云得如嚩忍八層之中舍於二位一八地無功用之神通

三種世間自在二即九地法師一音能演  
九層亦二位十地等覺俱可爲一生故十  
層即如來地二表十行以十行即十度故  
前七文顯八大願所成神通等故九一生  
所繫力最上故十唯至如來智方滿故此

即當位自攝諸位向攝十地即攝後諸位  
故以十層雙表二義還如海幢當位攝盡  
十位纔竟說成佛故前寄第六位攝此寄  
第五位攝前約正報攝此約依報攝者皆  
顯位勝前故三者總不表位但此菩薩以  
行就機現居勝報漸次增勝十顯無盡初  
四以物施後後漸難次二集法施前淺後  
深次二得法初陋後廣後二現勝德光因  
後果總上三義因果行位等法以爲長者  
之宅

爾時善財見是事已白言聖者何緣致此清  
淨衆會種何善根獲如是報長者告言善男  
子我念過去過佛刹微塵數劫有世界名圓  
滿莊嚴佛號無邊光明法界普莊嚴王如來  
應正等覺十號圓滿彼佛入城我奏樂音并  
燒一丸香而以供養以此功德迴向三處謂  
永離一切貧窮困苦常見諸佛及善知識恒  
聞正法故獲斯報

四問答因緣中先問後答迴向三處者謂  
離貧窮招前四層之報二三兩果即後六  
重一九之微因願力故報勝又表萬行混  
融發起向佛則隨一行無不具矣何果不  
階

善男子我唯知此菩薩無量福德寶藏解脫  
門如諸菩薩摩訶薩得不思議功德寶藏入

無分別如來身海受無分別無上法雲修無分別功德道具起無分別普賢行網入無分別三昧境界等無分別菩薩善根住無分別如來所住證無分別三世平等住無分別普眼境界住一切劫無有疲厭而我云何能知能說彼功德行

第四善男子下謙已推勝謙已云菩薩等者世寶三寶蘊積十重之中故云寶藏常用無盡是爲無量福德後推勝中當法顯勝故功德寶藏皆不思議即是總句入無分別下別明由無分別而具諸法故不思議

子頂禮其足繞無數匝慇懃瞻仰辭退而去爾時善財童子於寶髻長者所聞此解脫已深入諸佛無量知見安住菩薩無量法門清淨達菩薩無量方便希求菩薩無量法門清淨菩薩無量信解明利菩薩無量諸根成就菩薩無量欲樂通達菩薩無量行門增長菩薩無量願力建立菩薩無能勝幢起菩薩智照菩薩法

第六普眼長者寄善現行寄善現行者慧能願發三諦之理般若現前故國名藤根者夫藤根深入於地上發華苗表善現行般若證深能生後得後得隨物而轉故取類於藤城名普門者實相般若無所不通故長者名普眼者觀照般若無不見故第一依教趣求中言深入諸佛無量知見者無量有二義一多故即

善男子於此南方有一國土名曰藤根其土有城名曰普門中有長者名爲普眼汝詣彼問菩薩云何學菩薩行修菩薩道時善財童



見耶頌曰聖慧忍非智盡無生非見餘慧皆智六見性釋曰初句及第三句二漏慧皆智忍起之時與非見餘慧忍非智盡無生智餘有漏慧有見亦智謂五見無生智不名爲見推度名見此之二者餘慧忍非智盡無生智餘有漏慧及前五見皆通知見二性已斷疑故推度是智性故無已盡俱也

智謂眼根及無漏慧忍有智非見謂五見餘意識相應無漏慧忍及盡無生智餘有漏慧及前五見世俗正見除無漏忍及盡無生智餘有漏慧及前五見世俗正見具見智二種相故第二句攝見世俗正見具見智謂所有若名若法是智謂除前相謂所有若名若法第四句攝前三句所表皆名爲相除此餘法第四句攝義次前來一經頻有無狀繁文

攝於中唯六亦是見性謂身見等五及世間正見如上聖慧及漏慧皆擇法故並世攝答俗正見學無學差別云何爲見答根五說名爲見答根說名爲見並世

漸次而行至藤根國推問求覓彼城所在雖歷艱難不憚勞苦但唯正念善知識教願常親近承事供養偏策諸根離衆放逸

## 二趣後可知

然後乃得見普門城百千聚落周市圍繞雉

堞崇峻衢路寬平見彼長者往詣其所於前頂禮合掌而立白言聖者我已先發阿耨多羅三藐三菩提心而未知菩薩云何學菩薩

## 行云何修菩薩道

第二然後乃得下見敬諮問中先見依正

記識五色於名無學是針能令捨四深入故謂於所緣銳利深入如墮泥云世俗正見者謂善意識相應慧如論說諸見是智斷應作四句有學見於境如陰晝見色云何爲智答見見故慧如

悉令充足無所乏短

第三長者告下稱讚授法先讚後善男子  
下授已法界於中二先能療病即下化衆  
生後善男子我又下明能合香上供諸佛  
今初有一先除身病後治心病前中亦二

先治無不能後善男子十方下來者皆治

兼與身樂

然後各爲如應說法爲貪欲多者教不淨觀

贊恚多者教慈悲觀愚癡多者教其分別種  
種法相等分行者爲其顯示殊勝法門爲欲

請入

十

令其發菩提心稱揚一切諸佛功德爲欲令  
其起大悲意顯示生死無量苦惱爲欲令其  
增長功德讚歎修習無量福智爲欲令其發  
大誓願稱讚調伏一切衆生爲欲令其修普  
賢行說諸菩薩於一切剎一切劫住修諸行

百千聚落周帀圍繞者眷屬般若也雉堞  
崇峻者般若防非高而無上也五板爲堵  
五堵爲雉堞即女墻衢路寬平者般若諸  
佛常行非權逕故蕩然無涯眷屬般若者  
一實相般若卽所證理二觀照般若卽能證智三文字般若卽能詮教古唯有三新說有五加第四境界般若實相唯悟真境兼後智體今境界通事六塵之境皆爲境界五眷屬般若卽與慧同時諸心心所今此具五城爲實相長者爲觀照釋無量中已有境界今有春屬文字通四

長者告言善哉善哉善男子汝已能發阿耨

多羅三藐三菩提心善男子我知一切衆生

諸病風黃痰熱鬼魅蠱毒乃至水火之所傷

害如是一切所生諸疾我悉能以方便救療

善男子十方衆生諸有病者咸來我所我皆

療治令其得差復以香湯沐浴其身香華瓊

珞名衣上服種種莊嚴施諸飲食及以財寶

網爲欲令其具佛相好稱揚讚歎檀波羅蜜爲欲令其得佛淨身悉能徧至一切處故稱揚讚歎尸波羅蜜爲欲令其得佛清淨不思議身稱揚讚歎忍波羅蜜爲欲令其獲於如來無能勝身稱揚讚歎精進波羅蜜爲欲令其得於清淨無與等身稱揚讚歎禪波羅蜜爲欲令其顯現如來清淨法身稱揚讚歎般若波羅蜜爲欲令其現佛世尊清淨色身稱揚讚歎方便波羅蜜爲欲令其爲諸衆生住一切劫稱揚讚歎願波羅蜜爲欲令其現清淨身悉過一切諸佛刹土稱揚讚歎力波羅蜜爲欲令其現清淨身隨衆生心悉使歡喜稱揚讚歎智波羅蜜爲欲令其獲於究竟淨妙之身稱揚讚歎永離一切諸不善法如是施已各令還去

二然後各爲下治心病亦二先明除惑義通大小後爲欲令其下令其成益此唯大乘有十六句初五通顯大心行願次十別明十度之因感十身之果施滿他心故相好悅物戒徧止惡故淨身徧至忍兼忍理故不思議進策萬行故無能勝禪唯一心故無與等般若照理故顯法身方便顯用色身可觀願窮來際住劫無窮力不可搖悉過一切智窮事法故隨物成身後一句總離諸惡故究竟淨妙次十別明十度之因感十身果疏中但素現文直釋此十亦即菩提願等如來平身一施度即相好莊嚴身二戒護意生身以遍至故三忍獲威勢身四進策萬行故成善提五禪獲福德無等六顯法身七成化身八亦成願身九還成力持十亦成智身後一總淨十身

善男子我又善知和合一切諸香要法所謂無等香辛頭波羅香無勝香覺悟香阿盧那

跋底香堅黑栴檀香烏落迦栴檀香沈水香  
不動諸根香如是等香悉知調理和合之法  
又善男子我持此香以爲供養普見諸佛所  
願皆滿所謂救護一切衆生願嚴淨一切佛  
刹願供養一切如來願又善男子然此香時  
一一香中出無量香徧至十方一切法界一  
切諸佛衆會道場或爲香宮或爲香殿如是  
香欄檻香垣牆香却敵香戶牖香重閣香半  
月香蓋香幢香旛香帳香羅網香形像香莊  
嚴具香光明香雲雨處處充滿以爲莊嚴

二上供佛行中二初知香體辛頭者即信  
度河也波羅是岸即彼河岸之香阿盧那  
跋底此云赤色極烏洛迦者西域地名其  
地有毒繞此檀樹故和合者戒定慧等融  
無礙故次與供起願後能成大供文處並

顯  
善男子我唯知此令一切衆生普見諸佛歡  
喜法門如諸菩薩摩訶薩如大藥王若見若  
聞若憶念若同住若隨行往若稱名號皆獲  
利益無空過者若有衆生暫得值遇必令消  
滅一切煩惱入於佛法離諸苦蘊永息一切  
生死怖畏到無所畏一切智處摧壞一切老  
死大山安住平等寂滅之樂而我云何能知  
能說彼功德行

第四謙已推勝中謙已知一中謂身心病

卷八

十一

除成二世樂故皆歡喜以香普供得佛十  
身則何佛不見餘並可知

善男子於此南方有一大城名多羅幢彼中  
有王名無厭足汝詣彼問菩薩云何學菩薩  
行修菩薩道

子依衆人語尋即往詣

第七無厭足王寄無著行

寄無著行者方便涉有不迷於空事理無滯不捨

第一依教趣求中先念

教成益後漸次下趣求後友既入其國必

聞其政言多羅者此云明淨幢者建立表

無著行依般若淨明立勝行故王名無厭

足者如幻方便化無所著故無疲厭心

先念成益者有十七心初歡喜爲總餘十六

別一淨信者信樂聞法二下化上求三法樂怡神四勇求進趣五欣慶所得六悲智雙流七不取不生八以德嚴飾九不著萬境十不礙起修十一物我齊均十二不被心使十三無住而住十四稱理普周十五

爾時善財童子憶念思惟善知識教念善知識能攝受我能守護我令我於阿耨多羅三藐三菩提無有退轉如是思惟生歡喜心浮  
第  
十三  
信心廣大心怡暢心踊躍心欣慶心勝妙心寂靜心莊嚴心無著心無礙心平等心自在心住法心偏往佛刹心見佛莊嚴心不捨十力心

漸次遊行經歷國土村邑聚落至多羅幢城

問無厭足王所在之處諸人答言此王今者

在於正殿坐師子座宣布法化調御衆生可治者治可攝者攝罰其罪惡決其諍訟撫其孤弱皆令永斷殺盜邪姪亦令禁止妄言兩舌惡口綺語又使遠離貪瞋邪見時善財童

見佛相嚴十  
六不捨佛智

遙見彼王坐那羅延金剛之座阿僧祇寶以爲其足無量寶像以爲莊嚴金繩爲網瀰覆其上如意摩尼以爲寶冠莊嚴其首闔浮檀金以爲半月莊嚴其額帝青摩尼以爲耳珰

相對垂下無價摩尼以爲瓔珞莊嚴其頸天妙摩尼以爲印釤莊嚴其臂闊浮檀金以爲其蓋衆寶間錯以爲輪輻大琉璃寶以爲其竿光味摩尼以爲其齋雜寶爲鈴恒出妙音放大光明周徧十方如是寶蓋而覆其上阿

十四

十四

那羅王有大力勢能伏他衆無能與敵以離垢繪而繫其項十千大臣前後圍繞共理王事其前復有十萬猛卒形貌醜惡衣服褊陋執持器仗攘臂瞋目衆生見者無不恐怖無量衆生犯王教勅或盜他物或害他命或侵他妻或生邪見或起瞋恨或懷貪嫉作如是等種種惡業身被五縛將詣王所隨其所犯而治罰之或斷手足或截耳鼻或挑其目或斬其首或剥其皮或解其體或以湯煮或以火焚或驅上高山推令墮落有如是等無量

楚毒發聲號叫譬如衆合大地獄中善財見已作如是念我爲利益一切衆生求菩薩行修菩薩道今者此王滅諸善法作大罪業逼惱衆生乃至斷命曾不顧懼未來惡道云何於此而欲求法發大悲心救護衆生作是念

時空中有天而告之言善男子汝當憶念普眼長者善知識教善財仰視而白之曰我常憶念初不敢忘天曰善男子汝莫厭離善知識語善知識者能引導汝至無險難安隱之處善男子菩薩善巧方便智不可思議攝受

十五

十五

衆生智不可思議護念衆生智不可思議成熟衆生智不可思議守護衆生智不可思議度脫衆生智不可思議調伏衆生智不可思議

第二遙見下見敬諮問中先見有四一見

下王自說

時善財童子聞此語已即詣王所頂禮其足白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能教誨願爲我說

二時善財下敬問可知

時阿那羅王理王事已執善財手將入宮中命之同坐

第三時阿那羅下授已法界中二初授法方便執手同坐示無間之儀表攝彼加行作無間業無別方便令離此惡唯可斷命使其不作又知前人若捨命已必生善道又菩薩自念我行殺已必墮地獄爲彼受苦彼雖現受輕苦必得樂果瑜伽菩薩地戒品之中亦同此說言變化者即當此文

第十八

十六

令趣真故

告言善男子汝應觀我所住宮殿善財如語即徧觀察見其宮殿廣大無比皆以妙寶之所合成七寶爲牆周市圍繞百千衆寶以爲樓閣種種莊嚴悉皆妙好不思議摩尼寶網

羅覆其上十億侍女端正殊絕威儀進止皆悉可觀凡所施爲無非巧妙先起後卧輕意承旨

二告言下正示法界令證相應於中四舉果令入

時阿那羅王告善財言善男子於意云何我若實作如是惡業云何而得如是果報如是色身如是眷屬如是富瞻如是自在

二時阿那羅王告善財下以實顯權

善男子我得菩薩如幻解脫善男子我此國

土所有衆生多行殺盜乃至邪見作餘方便不能令其捨離惡業善男子我爲調伏彼衆生故化作惡人造諸罪業受種種苦令其一切作惡衆生見是事已心生惶怖心生厭離心生怯弱斷其所作一切惡業發阿耨多羅

三藐三菩提意善男子我以如是巧方便故令諸衆生捨十惡業住十善道究竟快樂究竟安隱究竟住於一切智地

三善男子我得下示其所得於中初名如幻者了生如幻故以幻化幻次我此國下明法門業用後我以如是下明法門勝益善男子我身語意未曾惱害於一衆生善男子如我心者寧於未來受無間苦終不發生一念之意與一蚊一蟻而作苦事況復人耶人是福田能生一切諸善法故

四善男子我身語下直顯實德慈念之深然諸位至七皆方便故休捨觀自在開敷樹華多約慈悲

善男子我唯得此如幻解脫如諸菩薩摩訶薩得無生忍知諸有趣悉皆如幻菩薩諸行

悉皆如化一切世間悉皆如影一切諸法悉  
皆如夢入真實相無礙法門修行帝網一切  
諸行以無礙智行於境界普入一切平等三  
昧於陀羅尼已得自在而我云何能知能說  
彼功德行

第四謙已推勝推勝云無生忍者由了如  
幻方證此忍故又後位中當此忍故

善男子於此南方有城名妙光王名大光汝  
詣波問菩薩云何學菩薩行修菩薩道

時善財童子頂禮王足繞無數帀辭退而去

大方廣佛華嚴經疏鈔會本第六十六之一

音釋

疾徒含切 痘公戶切 輜方大切 帼俾緝切  
也也 瞞輸問切 擅汝陽切 擅攘臂切 蟻蚊蟻切 蟻蠻魚紀切 憚憚徒業切  
也也 瞞輸問切 擅汝陽切 擅攘臂切 蟻蚊蟻切 蟻蠻魚紀切 憚憚徒業切

大

大方廣佛華嚴經疏鈔會本第六十六之二 舍九

唐于闐國三藏沙門實叉難陀譯

唐清涼山大華嚴寺沙門澄觀撰述

爾時善財童子一心正念彼王所得幻智法  
門思惟彼王如幻解脫觀察彼王如幻法性  
發如幻願淨如幻法普於一切如幻三世起  
於種種如幻變化如是思惟

第八大光寄難得行第一依教趣求中先

念前寄難得行者無障礙願力乃能得故

漸次遊行或至人間城邑聚落或經曠野巖

谷險難無有疲懈未曾休息然後乃至妙光  
大城而問人言妙光大城在於何所人咸報  
言妙光城者今此城是是大光王之所住處  
時善財童子歡喜踊躍作如是念我善知識  
在此城中我今必當親得奉見聞諸菩薩所

行之行聞諸菩薩出要之門聞諸菩薩所證  
之法聞諸菩薩不思議功德聞諸菩薩不思  
議自在聞諸菩薩不思議平等聞諸菩薩不  
思議勇猛聞諸菩薩不思議境界廣大清淨  
後漸次下趣後於中初推求得知城名妙

光者前位悲增今得無住妙慧運衆生故

中皆徹照故後時善財童子下自慶當益

作是念已入妙光城見此大城以金銀瑠璃  
波瓈真珠碑礪碼碭七寶所成七寶深灘七

重圍繞八功德水盈滿其中底布金沙優鉢  
羅華波頭摩華拘物頭華芬陀利華徧布其  
上寶多羅樹七重行列七種金剛以爲其垣  
各各圍繞所謂師子光明金剛垣無能超勝  
金剛垣不可沮壞金剛垣不可毀缺金剛垣

堅固無礙金剛垣勝妙網藏金剛垣離塵清淨金剛垣悉以無數摩尼妙寶間錯莊嚴種種衆寶而爲坪塊其城縱廣一十由旬周迴八方面開八門皆以七寶周徧嚴飾毘琉璃寶以爲其地種種莊嚴甚可愛樂其城之內十億衢道一一道間皆有無量萬億衆生於中止住有無數閣浮檀金樓閣毘琉璃摩尼網羅覆其上無數銀樓閣赤真珠摩尼網羅覆其上無數毘琉璃樓閣妙藏摩尼網羅覆其上無數玻璃樓閣無垢藏摩尼王網羅覆其上無數光照世間摩尼寶樓閣日藏摩尼王網羅覆其上無數帝青摩尼寶樓閣妙光明摩尼王網羅覆其上無數衆生海摩尼王樓閣燄光明摩尼王網羅覆其上無數金剛寶樓閣無能勝幢摩尼王網羅覆其上無數黑

梅檀樓閣天曼陀羅華網羅覆其上無數無等香王樓閣種種華網羅覆其上其城復有無數摩尼網無數寶鈴網無數天香網無數天華網無數寶形像網無數寶衣帳無數寶蓋帳無數寶樓閣帳無數寶華鬘帳之所彌覆處處建立寶蓋幢旛當此城中有一樓閣名正法藏阿僧祇寶以爲莊嚴光明赫奕最勝無比衆生見者心無厭足彼大光王常處其中爾時善財童子於此一切珍寶妙物乃至男女六塵境界皆無愛著但正思惟究竟

之法一心願樂見善知識

三

第二作是念已下見敬誥問初見中三初見依報中二先所見殊勝云十由旬者欲明圓滿既有十億衢道各無量衆生豈世間十小由旬之所能受故此中事物皆

應圓融表法如理思之後爾時善財下能見無染

漸次遊行見大光王去於所住樓閣不遠四衢道中坐如意摩尼寶蓮華藏廣大莊嚴師子之座紺瑠璃寶以爲其足金繒爲帳衆寶

爲網上妙天衣以爲茵褥其王於上結跏趺坐二十八種大人之相八十隨好而以嚴身如真金山光色熾盛如淨空日威光赫奕如盛滿月見者清涼如梵天王處於梵衆亦如大海功德法寶無有邊際亦如雪山相好樹林以爲嚴飾亦如大雲能震法雷啓悟羣品亦如虛空顯現種種法門星象如須彌山四色普現衆生心海亦如寶洲種種智寶充滿其中

二漸次下見王正報處四衢道者以四無

量用四攝法攝衆生故二十八相者因未滿故

二十八相因未滿者未見經論及關  
無見項及眉間白毫梵音長舌以善  
生等經校量最勝故謂三十二相不及毫  
相三十一大不及烏瑟尼沙總合不及如來  
胃中所出梵音合將二十九相以校白毫  
三十中一是梵音故長舌無文義爲勝爾  
驗之

於王座前有金銀瑠璃摩尼真珠珊瑚琥珀珂貝璧玉諸珍寶聚衣服瓔珞及諸飲食無量無邊種種充滿復見無量百千萬億上妙寶車百千萬億諸天妓樂百千萬億天諸妙香百千萬億病緣湯藥資生之具如是一切

剪九  
四  
悉皆珍好無量乳牛蹄角金色無量千億端正女人上妙栴檀以塗其體天衣瓔珞種種莊嚴六十四能靡不該練世情禮則悉皆善解隨衆生心而以給施城邑聚落四衢道側悉置一切資生之具一道傍皆有二十億

菩薩以此諸物給施衆生爲欲普攝衆生故

爲令衆生歡喜故爲令衆生踊躍故爲令衆

生心淨故爲令衆生清涼故爲滅衆生煩惱

故爲令衆生知一切義理故爲令衆生入一

切智道故爲令衆生捨冤敵心故爲令衆生

離身語惡故爲令衆生拔諸邪見故爲令衆

生淨諸業道故

三於王座前下主伴攝生於中亦三先列

所施通情非情六十四能義如別說次一

一道下明能施人即是助伴後爲欲普攝

下明其施意

時善財童子五體投地頂禮其足恭敬右繞  
經無量匝合掌而住白言聖者我已先發阿  
耨多羅三藐三菩提心而未知菩薩云何學  
菩薩行云何修菩薩道我聞聖者善能誘誨

願爲我說

竟

二三敬問可知

時王告言善男子我淨修菩薩大慈幢行我  
滿足菩薩大慈幢行

第三時王告下授己法界中三一總示法

門謂大慈首出離染圓滿故

善男子我於無量百千萬億乃至不可說不  
可說佛所問難此法思惟觀察修習莊嚴

二善男子我於下明得法因緣問難是聞  
慧以三種慧莊嚴此慈

善男子我以此法爲王以此法教勑以此法  
攝受以此法隨逐世間以此法引導衆生以  
此法令衆生修行以此法令衆生趣入以此  
法與衆生方便以此法令衆生熏習以此法  
令衆生起行以此法令衆生安住思惟諸法

自性以此法令衆生安住慈心以慈爲王具足慈力如是令住利益心安樂心哀愍心攝受心守護衆生不捨離心拔衆生苦無休息心我以此法令一切衆生畢竟快樂恒自悅豫身無諸苦心得清涼斷生死愛樂正法樂

滌煩惱垢破惡業障絕生死流入真法海斷諸有趣求一切智淨諸心海生不壞信善男子我已住此大慈幢行能以正法教化世間善男子我國土中一切衆生皆於我所無有恐怖善男子若有衆生貧窮困乏來至我所而有求索我開庫藏恣其所取而語之言莫造諸惡莫害衆生莫起諸見莫生執著汝等貧乏若有所須當來我所及四衢道一切諸物種種具足隨意而取勿生疑難善男子此妙光城所住衆生皆是菩薩發大乘意隨心

竟

六

所欲所見不同或見此城其量狹小或見此城其量廣大或見土砂以爲其地或見衆寶而以莊嚴或見聚土以爲垣牆或見寶牆周匝圍繞或見其地多諸瓦石高下不平或見無量大摩尼寶間錯莊嚴平坦如掌或見屋宅土木所成或見殿堂及諸樓閣階墀窟闔軒櫨戶牖如是一切無非妙寶善男子若有衆生其心清淨曾種善根供養諸佛發心趣向一切智道以一切智爲究竟處及我昔時修菩薩行曾所攝受則見此城衆寶嚴淨餘

皆見穢善男子此國土中一切衆生五濁世界樂作諸惡我心哀愍而欲救護入於菩薩大慈爲首隨順世間三昧之門入此三昧時彼諸衆生所有怖畏心惱害心冤敵心諍論心如是諸心悉自消滅何以故入於菩薩大

慈爲首順世三昧法如是故善男子且待須臾自當現見時大光王即入此定其城內外六種震動諸寶地寶牆寶堂寶殿臺觀樓閣階砌戶牖如是一切咸出妙音悉向於王曲躬敬禮妙光城內所有居人靡不同時歡喜踊躍俱向王所舉身投地村營城邑一切人衆咸來見王歡喜敬禮近王所住鳥獸之屬互相瞻視起慈悲心咸向王前恭敬禮拜一切山原及諸草樹莫不迴轉向王敬禮陂池泉井及以河海悉皆騰溢流注王前十千龍王起大香雲激電震雷注微細雨有十千天王所謂忉利天王夜摩天王兜率陀天王善變化天王他化自在天王如是等而爲上首於虛空中作衆妓樂無數天女歌詠讚歎雨無數華雲無數香雲無數寶鬘雲無數寶衣

雲無數寶蓋雲無數寶幢雲無數寶幡雲於虛空中而爲莊嚴供養其王伊羅婆拏大象王以自在力於虛空中敷布無數大寶蓮華垂無數寶瓔珞無數寶繒帶無數寶鬘無數寶嚴具無數寶華無數寶香種種奇妙以爲嚴飾無數采女種種歌舞闇浮提內復有無量百千萬億諸羅刹王諸夜叉王鳩槃茶王毗舍闍王或住大海或居陸地飲血啖肉殘害衆生皆起慈心願行利益明識後世不造諸惡恭散合掌頂禮於王如闇浮提餘三天下乃至三千大千世界乃至十方百千萬億那由他世界中所有一切毒惡衆生悉亦如是

三我以此下明其業用於中五一以法攝化二我國土中下以無畏攝三若有衆生

下以財寶攝四此妙光城下隨機徧攝五  
善男子此國土中下以三昧攝於中二先  
以言告後時大光王下正以定示顯定業  
用情與非情感成勝益者謂同體大慈物  
我無二故如世間王德合乾坤則麟鳳來

第十九  
八  
儀寶璧呈瑞況於出世慈力不令草木屈  
膝耶

時大光王從三昧起告善財言善男子我唯  
知此菩薩大慈爲首隨順世間三昧門如諸  
菩薩摩訶薩爲高蓋慈心普蔭諸衆生故爲  
修行下中上行悉等行故爲大地能以慈心  
任持一切諸衆生故爲滿月福德光明於世  
間中平等現故爲淨日以智光明照耀一切  
所知境故爲明燈能破一切衆生心中諸黑  
闇故爲水清珠能清一切衆生心中詭詬濁

嚴大海能闡明彼普賢行門能開示彼諸三  
昧窟能讚歎彼大慈悲雲

第四時大光王從三昧下謙已推勝先謙  
第十九  
九  
已知一慈本爲物名順世間高出衆行故  
名爲首即是幢義餘並可知

善男子於此南方有一王都名曰安住有優  
婆夷名曰不動汝詣彼問菩薩云何學菩薩  
行修菩薩道

時善財童子頂禮王足繞無數帀慇懃瞻仰  
辭退而去

故爲如意寶悉能滿足一切衆生心所願故  
爲大風速令衆生修習三昧入一切智大城  
中故而我云何能知其行能說其德能稱量  
彼福德大山能瞻仰彼功德衆星能觀察彼  
大願風輪能趣入彼甚深法門能顯示彼莊

爾時善財童子由妙光城遊行道路正念思惟大光王教憶念菩薩大慈幢行門思惟菩薩隨順世間三昧光明門增長彼不思議願福德自在力堅固從不思議成熟衆生智觀察彼不思議不共受用大威德憶念彼不思議差別相思惟彼不思議清淨眷屬思惟彼不思議所作業生歡喜心生淨信心生猛利心生欣悅心生踊躍心生慶幸心生無濁心生清淨心生堅固心生廣大心生無盡心如是思惟悲泣流淚念善知識實爲希有出生一切諸功德處出生一切諸菩薩行出生一切菩薩淨念出生一切陀羅尼輪出生一切三昧光明出生一切諸佛知見普雨一切諸佛法雨顯示一切菩薩願門出生難思智慧光明增長一切菩薩根芽又作是念善知識

者能普救護一切惡道能普演說諸平等法能普顯示諸夷險道能普開闡大乘奧義能普勸發普賢諸行能普引到一切智城能普今入法界大海能普令見三世法海能普授與衆聖道場能普增長一切白法善財童子如是悲哀思念之時彼常隨逐覺悟菩薩如來使天於虛空中而告之言善男子其有修行善知識教諸佛世尊悉皆歡喜其有隨順善知識語則得近於一切智地其有能於善知識語無疑惑者則常值遇一切善友其有發心願常不離善知識者則得具足一切義利善男子汝可往詣安住王都即當得見不動優婆夷大善知識

第九不動優婆夷寄善法行自發心來於一切法無不得定煩惱二乘不能動故亦

令衆生心不動故以智修慈故示以女居安住王都者王子位故智契實法不爲緣壞名爲安住寄善法行詮法授人動成第物執思擇修習一切法故第

一依教趣求中二先依教後趣求前中有五一思修前法二生歡喜下因修得益無

濁約無他清淨約自體三如是思惟下推功歸友至此偏悲者修悲將滿故四又作是念下廣歎友能五善財童子如是悲哀下勝緣印勸於中先印天字兩用故晉本云如來使天隨菩薩天隨菩薩天是已業行之神如來使天是佛力攝生神但修行位已著皆有二天常隨其人後汝可詣下勸諸後友

時善財童子從彼三昧智光明起漸次遊行至安住城周徧推求不動優婆夷今在何所

無量人衆咸告之言善男子不動優婆夷身是童女在其家內父母守護與自親屬無量人衆演說妙法善財童子聞是語已共心歡喜如見父母即詣不動優婆夷舍

二時善財童子從彼下趣求後友可知

入其宅內見彼堂宇金色光明普皆照耀遇斯光者身意清涼善財童子光明觸身即時獲得五百三昧門所謂了一切希有相三昧門入寂靜三昧門遠離一切世間三昧門普眼捨得三昧門如來藏三昧門得如是等五百三昧門以此三昧門故身心柔軟如七日胎又聞妙香非諸天龍乾闥婆等人與非人之所能有善財童子前詣其所恭敬合掌一心觀察見其形色端正殊妙十方世界一切女人無有能及況其過者唯除如來及以一

切灌頂菩薩口出妙香宮殿莊嚴并其眷屬

悉無與等況復過者十方世界一切衆生無有於此優婆夷所起染著心若得暫見所有煩惱悉自消滅譬如百萬大梵天王決定不生欲界煩惱其有見此優婆夷者所有煩惱

應知亦然十方衆生觀此女人皆無厭足唯

除具足大智慧者

第二入其宅內下見敬詣問見中分二先見依獲益後善財童子前詣下見正超倫爾時善財童子曲躬合掌正念觀察見此女

人其身自在不可思議色相顏容世無與等光明洞徹物無能障普爲衆生而作利益其身毛孔恒出妙香眷屬無邊宮殿第一功德深廣莫知涯際心生歡喜以頌讚曰

守護清淨戒修行廣大忍精進不退轉光明

照世間

爾時善財童子說此頌已白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

二爾時善財曲躬下敬問可知

時不動優婆夷以菩薩柔軟語悅意語慰喻善財而告之言善哉善哉善男子汝已能發阿耨多羅三藐三菩提心

第三時不動下稱讚授法於中先讚

音九  
善男子我得菩薩難摧伏智慧藏解脫門我得菩薩堅固受持行門我得菩薩一切法平等地總持門我得菩薩照明一切法辯才門我得菩薩求一切法無疲厭三昧門

後善男子我得下正授法界於中二先示

法門名體後善財童子言下徵業用之境  
界今初不同前例而舉五法者亦同九地  
當法師位須廣知故五中初二所持內德  
一智慧無羈偏名解脫有智則煩惱不可  
壞取著無能勝故云難摧伏此智包容故  
名爲藏二受持堅固偏得行名謂遇惡衆  
覽  
生而能堪忍徧生諸趣而心不迷故云堅  
固三即能持深入法門得法性地則無不  
持矣四即外化由正思佛法明照差別故  
得辯才能轉法輪稱衆生欲五即上求一  
心求法故云三昧近佛無厭受法無足故

五中初二所持內德等者然此五法即下  
因中所念五事謂思惟如來福德智慧皆  
悉清淨總持三昧不可思議神通自在  
才無礙謂思念何因得斯五事彼佛便  
發十種心一應發不可壞心滅諸煩惱  
應發無能勝心破諸取著三應發無退怯二教辨皆  
入深法門四應發能堪耐心救惡衆生欲  
五應發無迷惑心普入於一切諸趣受

六應發無狀足心求見諸佛無有休息七  
應發無知足心悉受一切如來法雨八應  
發正思惟心普轉一切諸佛法輪十應發廣  
大住持心隨衆生欲施其法寶釋曰十中初  
藏解脫門疏取下佛教以釋其所念總持  
爾次以第三無退法心酬其所念總持門三以第  
二成其所念福智故今得第一摧伏智慧故亦  
今得一切法平等總持門三以第四教示神通  
衆生及第五諸趣受生示神通因今得菩薩故  
固三即能持深入法門得法性地則無不  
持矣四即外化由正思佛法明照差別故  
得辯才能轉法輪稱衆生欲五即上求一  
心求法故云三昧近佛無厭受法無足故  
薩堅固受持行門遍生五趣救惡衆生是  
第七受法無足心酬其三昧今得求一  
法無拔歛門五以後三示其辯才無礙因切  
法無拔歛門五以後三示其辯才門在文可  
今得第十四照明一切法辯才門在文可  
第七受法無足心酬其三昧今得求一  
故疏取下十句示因釋今所得五法之果知  
方云上來已取十句釋五法門但與下釋十法  
而念福德含在智慧之中其下釋十法  
無優劣不次顯

善財童子言聖者菩薩難摧伏智慧藏解脫  
門乃至求一切法無疲厭三昧門境界云何  
童女言善男子此處難知善財白言唯願聖  
者承佛神力爲我宣說我當因善知識能信  
能受能知能了趣入觀察修習隨順離諸分

別究竟平等

二微業用之境界中 四一微問二顯難三  
重請四廣答

優婆夷言善男子過去世中有劫名離垢佛號修臂時有國王名曰電授唯有一女即我身是我於夜分廢音樂時父母兄弟悉已眠寢五百童女亦皆昏寐我於樓上仰觀星宿於虛空中見彼如來如寶山王無量無邊天龍八部諸菩薩衆所共圍繞佛身普放大光明網周徧十方無所障礙佛身毛孔皆出妙香我聞是香身體柔軟心生歡喜便從樓下至於地上合十指爪頂禮於佛又觀彼佛不見頂相觀身左右莫知邊際思惟彼佛諸相隨好無有厭足竊自念言此佛世尊作何等業獲於如是上妙之身相好圓滿光明具足

眷屬成就宮殿嚴好福德智慧悉皆清淨總持三昧不可思議神通自在辯才無礙善男子爾時如來知我心念即告我言汝應發不可壞心滅諸煩惱應發無能勝心破諸取著應發無退怯心入深法門應發能堪耐心救惡衆生應發無迷惑心普於一切諸趣受生應發無厭足心求見諸佛無有休息應發無知足心悉受一切如來法雨應發正思惟心普生一切佛法光明應發大住持心普轉一切諸佛法輪應發廣流通心隨衆生欲施其法寶善男子我於彼佛所聞如是法求一切智求佛十力求佛辯才求佛光明求佛色身求佛相好求佛衆會求佛國土求佛威儀求佛壽命發是心已其心堅固猶如金剛一切煩惱及以二乘悉不能壞善男子我發是心

已來經闇浮提微塵數劫尚不生於念欲之心況行其事爾所劫中於自親屬不起瞋心況他衆生爾所劫中於其自身不生我見況於衆具而計我所爾所劫中死時生時及住胎藏未曾迷惑起衆生想及無記心況於餘時爾所劫中乃至夢中隨見一佛未曾忘失何況菩薩十眼所見爾所劫中受持一切如來正法未曾忘失一文一句乃至世俗所有言辭尚不忘失何況如來金口所說爾所劫中受持一切如來法海一文一句無不思惟

三菩提心未曾勸一衆生發於聲聞辟支佛意爾所劫中於一切佛法乃至一文一句不生疑惑不生二想不生分別想不生種種想不生執著想不生勝劣想不生愛憎想善男子我從是來常見諸佛常見菩薩常見真實  
慧  
善知識常聞諸佛願常聞菩薩行常聞菩薩波羅蜜門常聞菩薩地智光明門常聞菩薩無盡藏門常聞入無邊世界網門常聞出生無邊衆生界因門常以清淨智慧光明除滅一切衆生煩惱常以智慧生長一切衆生善住持未曾廢捨一文一句乃至不曾生於世

根常隨一切衆生所樂示現其身常以清淨  
上妙言音開悟法界一切衆生

故云光明究竟皆堅固受持行十七  
願發是心已下總結堅固

答中二先明得法因緣以彰深遠釋上難  
知二善男子我得菩薩求一切下顯其業  
用以酬初問今初分六一舉往見佛爲發  
心緣二便從樓下內興觀念爲發心因先

觀後念念佛智等即前五法之因神通自  
在是行堅固三善男子爾時下佛勸發心  
能成前五有十種心初二成智慧次一成  
總持次二成神通次二成三昧後三成辯

才故上來取斯十句釋五法門四善男子  
我於彼下正明發心堅固五我發是心已  
來下經久無違六我從是來下彰發心勝  
益即前五因之果<sub>果者一求佛智慧即求</sub>  
<sub>法三昧二求佛十力即求智慧三求佛辯</sub>  
<sub>才四求佛光明即求總持總持以慧為體</sub>

皆已見  
百億如來或住兜率天乃至般涅槃一一如  
來放光明網周徧法界道場衆會清淨圍繞  
轉妙法輪開悟羣生時不動優婆夷從二昧  
起告善財言善男子汝見此不善財言唯我

二顯其業用中四一許現即舉五法中二  
二申請三正現入一萬三昧者於一求法  
無厭三昧即入一萬明知餘解脫等亦攝  
多門四出定印述並可知

優婆夷言善男子我唯得此求一切法無厭  
足三昧光明爲一切衆生說微妙法皆令歡喜  
如諸菩薩摩訶薩如金翅鳥遊行虛空無所障礙能入一切衆生大海見有善根已成熟者便即執取置菩提岸又如商客入大寶洲採求如來十力智寶又如漁師持正法網入生死海於愛水中漉諸衆生如阿修羅王能偏耗動三界大城諸煩惱海又如日輪出現虛空照愛水泥令其乾竭又如滿月出現虛空令可化者心華開敷又如大地普皆平等無量衆生於中止住增長一切善法根芽

又如大風所向無礙能拔一切諸見大樹如轉輪王遊行世間以四攝事攝諸衆生而我云何能知能說彼功德行

#### 第四優婆夷言下謙已推勝

善男子於此南方有一大城名無量都薩羅其中有不出家外道名曰偏行汝往彼問菩薩云何學菩薩行修菩薩道

第五指示後友中都薩羅者此云喜出生謂此城中出生無量歡喜之事故以智度圓滿則能無所不生友名偏行巧智隨機

舊文  
無不行故名真實行示外道者能行非道又非道不染故曰出家餘可知

時善財童子頂禮其足繞無量布慇懃瞻仰辭退而去

大方廣佛華嚴經疏鈔會本第六十六之二

音釋

詰 同 沢 七 雜 切 菴 褐 上 音 因 通 作  
咨 切 塵 音 雜 褶 下 音 厥  
𡇗 城 上 女 墓 也 墓 呼 高 切  
𡇗 墓 托 拏 也

前  
九

十九